

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i Odluke o ponovnom raspisivanju Javnog konkursa za izbor i imenovanje predsjedavajućeg i članova Nadzornog odbora u federalnim ustanovama socijalne zaštite, V. broj: 244 od 06.03.2025. godine ("Službene novine Federacije BiH", broj: 18/25), Federalno ministarstvo rada i socijalne politike raspisuje

JAVNI KONKURS ZA IZBOR I IMENOVANJE PREDSEDVAJUĆEG I ČLANOVA NADZORNOG ODBORA U FEDERALNIM USTANOVAMA SOCIJALNE ZAŠTITE

I. PREDMET JAVNOG KONKURSA

Predmet Javnog konkursa je izbor i imenovanje predsjedavajućeg i članova Nadzornog odbora u sljedećim ustanovama socijalne zaštite Federacije Bosne i Hercegovine (u daljem tekstu: federalne ustanove socijalne zaštite):

- a) Ustanova za socijalno zbrinjavanje i zdravstvenu njegu - Bakovići;
- b) Ustanova za socijalno zbrinjavanje i zdravstvenu njegu - Drin;
- c) Ustanova za socijalno zbrinjavanje i zdravstvenu njegu - Ljubuški;
- d) Ustanova za socijalno zbrinjavanje, zdravstvenu njegu, odgoj i obrazovanje - Pazarić i
- e) Ustanova za socijalno zbrinjavanje, odgoj i obrazovanje - Sarajevo.

II. OPIS POZICIJA

II.1. Prema odredbama Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: broj: 64/22), nadzorni odbor obavlja sljedeće poslove:

- a) analizira i daje mišljenje na izvještaje o poslovanju federalnih ustanova socijalne zaštite;
- b) u obavljanju nadzora nad upotrebom sredstava za rad, pregleda i daje mišljenje na godišnji izvještaj o poslovanju i godišnji obračun federalnih ustanova socijalne zaštite;
- c) pregleda i provjerava urednost i zakonitost vođenja poslovnih knjiga;
- d) analizira i daje mišljenje na jednogodišnje i trogodišnje programe i planove rada i razvoja federalne ustanove socijalne zaštite u njihovom finansijskom aspektu;
- e) analizira i daje mišljenje na investicione odluke i petogodišnje planove kapitalnih ulaganja;
- f) analizira i daje mišljenje na finansijske planove federalnih ustanova socijalne zaštite;

- g) izvještava osnivača, upravni odbor i direktora o rezultatima nadzora nad federalnim ustanovama socijalne zaštite;
- h) obavlja druge poslove iz svog djelokruga po nalogu osnivača i nadležnih federalnih ministarstava.

III. USLOVI IZBORA

III.1. Prema odredbama Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: broj: 64/22), nadzorni odbor federalnih ustanova socijalne zaštite sastoji se od pet članova i u njega se imenuju isključivo stručna lica iz oblasti i zvanja utvrđenih posebnim kriterijima za imenovanje u nadzorni odbor ovih ustanova od kojih su barem tri ekonomske struke.

III.2. Prema odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), **opšti uslovi koje moraju ispunjavati kandidati** za imenovanje na poziciju predsjedatelja ili člana Nadzornog odbora federalnih ustanova socijalne zaštite su sljedeći:

- a) da su državljani Bosne i Hercegovine;
- b) da su stariji od 18 godina;
- c) da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo na nivou države ili entiteta) u periodu od tri godine prije dana prijavljivanja na navedene pozicije i
- d) da se na njih ne odnosi član IX 1. Ustava Bosne i Hercegovine.

III.3. Prema odredbama Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22), **posebni uslovi koje moraju ispunjavati kandidati** za imenovanje na poziciju predsjedatelja ili člana Nadzornog odbora federalnih ustanova socijalne zaštite su sljedeći:

- a) posjedovanje visoke stručne spreme – VII stepen stručne spreme, odnosno visoko obrazovanje prvog ciklusa (koji se vrednuje s 240 ECTS bodova) ili drugog ili trećeg ciklusa Bolonjskog sistema studiranja iz oblasti društvenih nauka - smjer ekonomija ili pravo;
- b) posjedovanje radnog staža u struci od najmanje pet godina nakon sticanja visoke stručne spreme;
- c) poznavanje propisa iz oblasti socijalne i dječje zaštite s posebnim fokusom na djelatnost ustanova socijalne zaštite i način njihovog funkcionisanja i
- d) poznavanje sadržaja i načina rada tijela nadzora u federalnim ustanovama socijalne zaštite.

III.4. Prema odredbama Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22), u nadzorni odbor federalne ustanove socijalne zaštite **ne može biti imenovano lice**:

- a) koje ne posjeduje poslovnu i zdravstvenu sposobnost;
- b) koje je, prema odredbama krivičnog zakonodavstva Bosne i Hercegovine, osuđivano za sljedeća krivična djela koja su nespojiva s obavljanjem dužnosti člana nadzornog odbora javne ustanove: krivična djela protiv slobode i prava čovjeka i građanina, krivična djela protiv integriteta Bosne i Hercegovine, krivična djela protiv čovječnosti i vrijednosti zaštićenih međunarodnim pravom, krivična djela protiv privrede i jedinstva tržišta te krivična djela iz oblasti carina, krivična djela korupcije i krivična djela protiv službene i druge odgovorne funkcije, krivična djela protiv pravosuđa, krivična djela povrede autorskih prava, krivična djela protiv oružanih snaga Bosne i Hercegovine, te za djela dogovora, pripremanja, udruživanja i organizovanog kriminala;
- c) koje je, prema odredbama krivičnog zakonodavstva Federacije, osuđivano za sljedeća krivična djela koja su nespojiva s obavljanjem dužnosti člana nadzornog odbora javne ustanove: krivična djela protiv ustavnog poretka Federacije, krivična djela protiv života i tijela, krivična djela protiv slobode i prava čovjeka i građanina, krivična djela terorizma, krivična djela protiv spolne slobode i morala, krivična djela protiv braka, porodice i mladeži, krivična djela protiv zdravlja ljudi, krivična djela protiv privrede, poslovanja i bezbjednosti platnog prometa, krivična djela iz oblasti poreza, krivična djela protiv radnih odnosa, krivična djela protiv imovine, krivična djela protiv opšte bezbjednosti ljudi i imovine, krivična djela protiv pravosuđa, krivična djela protiv javnog reda i pravnog prometa, krivična djela podmićivanja i krivična djela protiv službene i druge odgovorne dužnosti;
- d) koje je, prema propisima o ravnopravnosti spolova, osuđivano za krivično djelo nasilja, uznemiravanja ili seksualnog uznemiravanja kojim je ugrozilo mir, duševno zdravlje i fizički integritet žrtve;
- e) kojemu je, prema propisima o zaštiti od porodičnog nasilja, izrečena mjera porodično-pravne zaštite ili zaštitna mjera zbog porodičnog nasilja;
- f) koje je zaposlenik institucije ili je član tijela koje vrši bilo koji oblik nadzora nad radom federalnih ustanova socijalne zaštite;
- g) koje se, prema propisima o sukobu interesa, smatra izabranim stranačkim zvaničnikom, nositeljem izvršnih funkcija ili savjetnikom;
- h) koje je već imenovano na poziciju člana u upravnom ili nadzornom odboru ustanove ili zavoda, odnosno privrednog društva s većinskim državnim kapitalom i
- i) koje ima privatni finansijski interes u federalnoj ustanovi socijalne zaštite u čiji se nadzorni odbor vrši imenovanje.

IV. POTREBNA DOKUMENTACIJA

IV.1. Prijava kandidata podnosi se Federalnom ministarstvu rada i socijalne politike (u daljem tekstu: Ministarstvo) i to na Obrascu 02 koji će u elektronskom obliku biti dostupan na službenoj web stranici Ministarstva (www.fmrsp.gov.ba).

IV.2. U pogledu dokazivanja ispunjenosti opštih uslova za imenovanje na poziciju predsjedatelja ili člana Nadzornog odbora federalnih ustanova socijalne zaštite, kandidat je, uz Prijavni obrazac iz podtačke III.1. ovoga Javnog konkursa, dužan dostaviti sljedeću dokumentaciju:

- a) Izvod iz matične knjige rođenih;
- b) Uvjerenje o državljanstvu i
- c) Izjavu o ispunjavanju opštih uslova utvrđenih podtačkom III.1. alineje c) i d) ovoga Javnog konkursa koja je, u skladu s odredbom člana 14. stav (2) Uredbe o postupku dokazivanja ispunjenosti opštih i posebnih uslova za imenovanje u tijela uprave, nadzora i rukovodstva u federalnim ustanovama socijalne zaštite ("Službene novine Federacije BiH", broj: 95/22), sastavni dio Prijavnog obrasca iz podtačke III.1. ovoga Javnog konkursa.

IV.3. U pogledu dokazivanja ispunjenosti posebnih uslova za imenovanje na poziciju predsjedatelja ili člana Nadzornog odbora federalnih ustanova socijalne zaštite, kandidat je dužan dostaviti sljedeću dokumentaciju:

- a) Univerzitetsku diplomu kojom dokazuje posjedovanje visoke stručne spreme – VII stepen stručne spreme, odnosno visoko obrazovanje prvog ciklusa (koji se vrednuje s 240 ECTS bodova) ili drugog ili trećeg ciklusa Bolonjskog sistema studiranja iz oblasti društvenih nauka - smjer ekonomija ili pravo. Ukoliko je kandidat traženu stručnu spremu stekao u inostranstvu, tada je, uz obrazovnu ispravu, neophodno priložiti i dokument nadležne obrazovne institucije u Bosni i Hercegovini o nostrifikaciji, odnosno ekvivalenciji te obrazovne isprave.
- b) Potvrdu ili uvjerenje poslodavca ili poslodavaca o radnom stažu u struci kod kojih je kandidat radio ili radi. Dokazi moraju biti precizni i detaljni, te sadržavati sve bitne elemente koji nesumnjivo ukazuju na traženo radno iskustvo. Pod bitnim elementima, bez kojih će se isti smatrati nepotpunim, podrazumijevaju se podaci o nazivu radnog mjesta na kojemu je kandidat radio ili radi, opisu poslova koje je ono obuhvatalo ili obuhvata, stručnoj spremi koju je to radno mjesto zahtijevalo ili zahtijeva, precizno navedenom periodu obavljanja tih poslova s jasnom naznakom jesu li oni obavljani nakon sticanja visoke stručne spreme.

IV.4. U skladu s odredbama Uredbe o postupku dokazivanja ispunjenosti opštih i posebnih uslova za imenovanje u tijela uprave, nadzora i rukovodstva u federalnim ustanovama socijalne zaštite ("Službene novine Federacije BiH", broj: 95/22), ispunjenost posebnih uslova u pogledu poznavanja propisa iz oblasti socijalne i dječje zaštite s posebnim fokusom na djelatnost ustanova socijalne zaštite i način njihovog funkcionisanja, te poznavanja nadležnosti, sadržaja i načina rada koji su povezani s pozicijom u federalnoj ustanovi socijalne zaštite na koju se vrši imenovanje, utvrđuje se kroz postupak intervjuisanja kandidata koji provodi Komisija za provođenje konkursne procedure.

IV.5. Svi priloženi dokumenti moraju biti u originalu ili ovjerenjima. U slučaju da diploma sadrži suhi žig, ovjerena kopija diplome na mjestu ovjere nadležnog organa mora

sadržavati napomenu da izvornik, dakle diploma, sadrži suhi žig koji se na fotokopiji ne vidi.

V. POSTUPAK PROVJERAVANJA ISPUNJENOSTI USLOVA

V.1. U postupku provjeravanja ispunjenosti uslova, primjenjuju se odredbe Uredbe o postupku dokazivanja ispunjenosti opštih i posebnih uslova za imenovanje u tijela uprave, nadzora i rukovodstva u federalnim ustanovama socijalne zaštite ("Službene novine Federacije BiH", broj: 95/22). Predmetni postupak, nakon zatvaranja Javnog konkursa, provodi Komisija za provođenje konkursne procedure (u daljem tekstu: Komisija) koju imenuje Vlada Federacije Bosne i Hercegovine (u daljem tekstu: Vlada Federacije) i koja će:

- a) ocijeniti formalnu ispravnost prijave;
- b) ocijeniti dokaze o ispunjavanju opštih i posebnih uslova za imenovanje;
- c) obaviti intervju s kvalifikovanim kandidatima i
- d) utvrditi Listu uspješnih kandidata koju će dostaviti Vladi Federacije na dalje postupanje.

V.2. U okviru ocjene formalne ispravnosti prijave, Komisija ocjenjuje formalno-pravnu ispravnost i sadržaj podnesenih prijave pri čemu odbacuje nepravovremene ili nepotpune prijave, te o razlozima odbacivanja prijave obavještava kandidate u pisanoj formi. Protiv obavijesti o odbacivanju prijave kandidat može izjaviti prigovor u roku od osam dana od dana njenog prijema kojim može pobijati samo činjenice i okolnosti u vezi s razlozima o odbacivanju prijave navedenim u predmetnoj obavijesti. O podnesenom prigovoru odlučuje federalni ministar rada i socijalne politike i to pisanim putem u roku od osam dana od dana prijema prigovora.

V.3. U okviru ocjene dokaza o ispunjavanju opštih i posebnih uslova za imenovanje, Komisija vrši ocjenu dostavljenih dokaza o ispunjavanju uslova javnog konkursa, odnosno opštih i posebnih uslova za imenovanje pri čemu će iz dalje konkursne procedure isključiti kandidata za kojega se, na osnovu ocjene dostavljenih dokaza, utvrdi da ne ispunjava opšte i posebne uslove za imenovanje na poziciju predsjedatelja ili člana Nadzornog odbora federalnih ustanova socijalne zaštite, te o razlozima toga isključenja pisanim putem obavijestiti kandidata. Protiv obavijesti o isključenju iz konkursne procedure kandidat može izjaviti prigovor u roku od osam dana od dana njenog prijema kojim može pobijati samo činjenice i okolnosti u vezi s razlozima o odbacivanju prijave navedenim u predmetnoj obavijesti. O podnesenom prigovoru odlučuje federalni ministar rada i socijalne politike i to pisanim putem u roku od osam dana od dana prijema prigovora

V.4. U okviru intervjuiranja kvalifikovanih kandidata koji su ispunili formalno-pravne uslove prijave i koji su zadovoljili opšte i posebne uslove za imenovanje na poziciju predsjedatelja ili člana Nadzornog odbora federalnih ustanova socijalne zaštite, obavlja se usmeni intervju. Kroz postupak intervjuiranja Komisija utvrđuje ispunjenost posebnih uslova u pogledu poznavanja propisa iz oblasti socijalne i dječje zaštite s posebnim

fokusom na djelatnost ustanova socijalne zaštite i način njihovog funkcionisanja, te poznavanje nadležnosti, sadržaja i načina rada koji su povezani s pozicijom u federalnoj ustanovi socijalne zaštite na koju se vrši imenovanje. Prije zakazivanja intervjua Komisija će utvrditi listu pitanja koja će se svim kandidatima postavljati, kao i jedinstven način ocjenjivanja odgovora koje kandidati budu davali na ta pitanja. Kvalifikovani kandidati će biti pisanim putem obaviješteni o mjestu i vremenu provođenja intervjua. U sklopu ove faze postupka, Komisija će izvršiti identifikovanje kandidata koji bude pristupio intervjuu uvidom u njegovu ličnu kartu ili drugi identifikacioni dokument. Kandidat koji odbije identifikaciju gubi status kvalifikovanog kandidata i ne može pristupiti intervjuu. Kandidat koji se iz bilo kojega razloga ne odazove na zakazani intervju i o tome pravovremeno ne informiše Komisiju, takođe gubi status kvalifikovanog kandidata i ne može biti uvršten na Listu uspješnih kandidata. Izuzetno, kandidatu koji pravovremeno informiše Komisiju o opravdanoj nemogućnosti dolaska na intervju u zakazanom terminu, ponudit će se drugi termin u razumnom roku koji ne može biti duži od pet dana od dana održavanja posljednjeg intervjua.

V.5. Na koncu, u okviru utvrđivanja Liste uspješnih kandidata Komisija će na predmetnu Listu uvrstiti sve one kandidate za koje je, kroz prethodno opisane postupke, utvrđeno da ispunjavaju opšte i posebne uslove za imenovanje na poziciju predsjedatelja ili člana Nadzornog odbora federalnih ustanova socijalne zaštite, te će istu dostaviti Vladi Federacije na dalje postupanje.

VI. POSTUPAK IZBORA I IMENOVANJA

VI.1. Na osnovu dostavljene Liste uspješnih kandidata, Vlada Federacije će izvršiti izbor kandidata za imenovanje na poziciju predsjedatelja ili člana Nadzornog odbora federalnih ustanova socijalne zaštite.

VI.2. Prije konačnog imenovanja, informacija o izboru kandidata za imenovanje na poziciju predsjedatelja ili člana Nadzornog odbora federalnih ustanova socijalne zaštite dostavit će se Ministarstvu kako bi se utvrdilo nepostojanje zapreka za njihovo imenovanje.

VI.3. Ministarstvo će izabranim kandidatima za imenovanje dostaviti pisanu obavijest o njihovom izboru, te od njih ujedno zatražiti dostavljanje dokaza o nepostojanju zapreka za imenovanje na poziciju predsjedavajućeg ili člana Nadzornog odbora federalnih ustanova socijalne zaštite u skladu s odredbama člana 56. Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22).

VI.4. S ciljem dokazivanja nepostojanja zapreka za imenovanje na poziciju predsjedavajućeg ili člana Nadzornog odbora federalnih ustanova socijalne zaštite, izabrani su kandidati dužni dostaviti sljedeću dokumentaciju:

- a) Kao dokument kojim dokazuje posjedovanje zdravstvene sposobnosti iz podtačke III.4. alineja a) ovoga Javnog poziva, kandidat dostavlja uvjerenje ili potvrdu nadležne zdravstvene institucije.
- b) Kao dokument kojim dokazuje neosuđivanost za kaznena djela utvrđena podtačkom III.4. alineje b), c) i d) ovoga Javnog poziva, kandidat dostavlja uvjerenje ili potvrdu nadležnog organa unutrašnjih poslova.
- c) Kao dokument kojim dokazuje da mu, u skladu s podtačkom III.4. alineja e) ovoga Javnog poziva, nije izrečena mjera porodično-pravne zaštite ili zaštitna mjera zbog porodičnog nasilja, kandidat dostavlja uvjerenje ili potvrdu nadležne pravosudne institucije.
- d) Kao dokument kojim dokazuje nepostojanje zapreka utvrđenih podtačkom III.4. alineje f), g), h) i i) ovoga Javnog poziva, kandidat dostavlja svojeručno potpisanu izjavu koja mora biti ovjerena od strane nadležnog opštinskog, odnosno gradskog organa uprave.

VI.5. Odabrani kandidat koji u određenom roku ne dostavi dokaze o nepostojanju zapreka za njegovo imenovanje ili se, nakon njihovog dostavljanja, utvrdi da te zapreke postoje, neće biti konačno imenovan na poziciju predsjedavajućeg ili člana Nadzornog odbora federalnih ustanova socijalne zaštite, u skladu s relevantnim odredbama Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22).

VII. NAČIN OBJAVLJIVANJA

VII.1. Integralni tekst Javnog konkursa Ministarstvo će objaviti na svojoj službenoj web stranici (www.fmrsp.gov.ba) i u "Službenim novinama Federacije BiH", dok će obavijest o raspisivanju Javnog konkursa objaviti u dnevnim listovima "Večernji list" i "Dnevni avaz".

VII.2. Krajnji rok za podnošenje prijave je 15 (petnaest) dana od dana posljednje objave integralnog teksta Javnog konkursa.

VII.3. **Važna napomena:** Kandidati moraju ispunjavati uslove Javnog konkursa s danom njegove objave, nezavisno od toga kada su dokazi zatraženi ili dostavljeni.

VII.4. **Važno upozorenje:** Ukoliko u bilo čemu ne postupe po navodima Javnog konkursa, kao i odredbama Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22) i Uredbe o postupku dokazivanja ispunjenosti opštih i posebnih uslova za imenovanje u tijela uprave, nadzora i rukovodstva u federalnim ustanovama socijalne zaštite ("Službene novine Federacije BiH", broj: 95/22), kandidati će biti isključeni iz konkursne procedure bez mogućnosti ponavljanja propuštene radnje.

VII.5. Prijave se, sa svom traženom dokumentacijom, mogu dostaviti lično ili poštom preporučeno na adresu:

FEDERALNO MINISTARSTVO RADA I SOCIJALNE POLITIKE
Hamdije Čemerlića 2
SARAJEVO

**s naznakom: "Ne otvaraj: Prijava na Javni konkurs za izbor i imenovanje
predsjedavajućeg i članova Nadzornog odbora u federalnim ustanovama
socijalne zaštite".**

VII.6. Nepravovremene, nepotpune i neuredne prijave neće se razmatrati. Ministarstvo
nema obavezu vraćati zaprimljenu dokumentaciju.

Broj: 05-02/5-163/25
Sarajevo, 24.03.2025. godine

